

晉

書

料

注

晉書附注卷三十七

錢塘吳士鑑

同注

烏程劉承幹

列傳第七

宗室 周家祿校勘記曰宗室二字宜另行
低一格大字居中與第八篇宣五王文六王

例同

安平獻王孚

子邕 邕弟義陽成王望 望子
河間平王洪 洪子威 洪弟隨

穆王整

整弟竟陵王曄 望弟太原成王輔
輔弟翼 翼弟下邳獻王晃 晃弟太原烈

王瓊

瓊弟高陽元王珪 珪弟
常山孝王衡 衡弟沛順王景

安平獻王孚字叔達宣帝次弟也初孚長兄朗字伯達

魏志司馬朗傳曰朗為宣帝字仲達孚弟植字季達
丞相主簿遷兗州刺史

司馬楚之傳曰楚之字德秀晉宣帝弟太常燹之八世
孫父榮期梁益二州刺史爲其參軍楊承祖所殺楚之
封琅邪王拜假節侍中鎮西大將軍開府儀同三司雲
中鎮大將軍朔州刺史薨贈都督梁益秦益四州諸軍事
征南大將軍領護西戎校尉揚州刺史諡曰貞王子寶
胤金龍羅寶胤雁門太守金龍字榮則吏部尙書薨贈
大將軍司空公冀州刺史諡康王子延宗纂悅徽亮延
宗子裔字承業後軍將軍卒贈征虜將軍洛州刺史裔
子藏纂字茂宗卒贈鎮遠將軍南青州刺史諡曰肅纂
子澄字元鏡卒贈龍驤將軍夏州刺史澄弟仲粲尙書
左丞悅字慶宗漁陽縣開國子卒贈平東將軍青州刺
史諡曰莊悅子肅鎮軍將軍卒贈左將軍滄州刺史肅
子鴻字慶雲都水使者子孝政躍字寶龍祠部尙書大
鴻臚卿卒贈金紫光祿大夫案楚之爲燹後人未知是
彭城穆王一支恂字顯達進字惠達通字雅達敏字幼
否史無可攷

達俱知名故時號爲八達焉孚溫厚廉讓博涉經史漢
末喪亂與兄弟處危亡之中簞食瓢飲而披閱不勸性

通恕以貞白自立未嘗有怨於人陳留殷武有名於海
內嘗罹罪譴孚往省之遂與同處分食談者稱焉魏陳
思王植有俊才清選官屬以孚爲文學掾植負才陵物
孚每切諫初不合意後乃謝之遷太子中庶子魏武帝
崩太子號哭過甚孚諫曰大行晏駕天下恃殿下爲命
當上爲宗廟下爲萬國柰何效匹夫之孝乎太子良久
乃止曰卿言是也時羣臣初聞帝崩相聚號哭無復行
列孚厲聲於朝曰今大行晏駕天下震動當早拜嗣君
以鎮海內而但哭邪孚與尙書和洽罷羣臣備禁衛具
喪事奉太子以卽位是爲文帝時當選侍中常侍等官

太子左右舊人頗諷諭主者便欲就用不調餘人孚曰雖有堯舜必有稷契今嗣君新立當進用海內英賢猶患不得如何欲因際會自相薦舉邪官失其任得者亦不足貴遂更他選轉孚爲中書郎給事常侍宿省內除黃門侍郎加騎都尉時孫權稱藩請送任子當遣前將軍于禁還久而不至天子以問孚孚曰先王設九服之制誠以要荒難以德懷不以諸夏禮責也陛下承緒遠人率貢權雖未送任子于禁不至猶宜以寬待之畜養士馬以觀其變不可以嫌疑責讓恐傷懷遠之義自孫策至權奕世相繼惟強與弱不在一禁禁之未至當有

他故耳後禁至果以疾遲留而任子竟不至大軍臨江

責其違言吳遂絕不貢獻後出為河內典農

水經沁水注曰沁水

南逕石門石門是晉安平獻王司馬孚之為魏野王典

農中郎將之所造也案其表云臣孚言臣被明詔與何

內水利臣既到檢行沁水源出銅鞮山屈曲周迴水道

九百里自太行以西王屋以東層巖高峻天時霖雨眾

谷走水小石漂迸木門朽敗稻田泛溢歲功不成臣輒

案行去堰五里以外方石可得數萬餘枚臣以為累方

石為門若天賜旱增堰進水若天霖雨陂澤充溢則閉

防斷水空渠衍滂足以成河雲雨由人經國之謀暫勞

永逸聖王所許願陛下特出臣表勅大司農府給人工

勿使稽延以贊時要臣孚言詔書聽許於是夾岸累石

結以為門用代木門枋故賜爵關內侯轉清河太守初

石門舊有枋口之稱矣

賜爵關內侯轉清河太守初

魏文帝置度支尚書專掌軍國支計

書鈔六十朱鳳晉書曰文帝立度支

尚書軍糧校計

一朝議以征討未息動須節量及明帝

由之七引作詔樹

朝議以征討未息動須節量及明帝

嗣位欲用孚問左右曰有兄風不荅云似兄天子曰吾
得司馬懿二人復何憂哉轉爲度支尙書孚以爲擒敵
制勝宜有備預每諸葛亮入寇關中邊兵不能制敵中
軍奔赴輒不及事機宜預選步騎二萬以爲二部爲討
賊之備又以關中連遭賊寇穀帛不足遣冀州農丁五
千屯於上邽秋冬習戰陣春夏脩田桑由是關中軍國
有餘待賊有備矣後除尙書右僕射進爵昌平亭侯遷
尙書令及大將軍曹爽擅權李勝何晏鄧颺等亂政孚
不視庶事但正身遠害而已及宣帝誅爽孚與景帝屯
司馬門以功進爵長社縣侯加侍中時吳將諸葛恪圍

新城以孚進督諸軍二十萬防禦之

勞格校勘記曰吳

年考魏紀孚以嘉平三年三月徙尚書令拜司空七月

遷太尉此宜在代王淩爲太尉下傳列於前誤也又明

悼后崩於景初元年今在此後亦誤孚次壽春遣母上儉文欽等進討諸

將欲速擊之孚曰夫攻者借人之力以爲功且當詐巧

不可力爭

一作爭力

也故稽留月餘乃進軍吳師望風而退

魏明悼后崩議書銘旌或欲去姓而書魏或欲兩書孚

以爲經典正義皆不應書凡帝王皆因本國之名以爲

天下之號而與往代相別耳非爲擇美名以自光也天

稱皇天則帝稱皇帝地稱后土則后稱皇后此乃所以

同天地之大號流無二之尊名不待稱國號以自表不

侯稱氏族以自彰是以春秋隱公三年經曰三月庚戌
天王崩尊而稱天不曰周王者所以殊乎列國之君也
八月庚辰宋公和卒書國稱名所以異乎天王也襄公
十五年經曰劉夏逆王后于齊不云逆周王后姜氏者
所以異乎列國之夫人也至乎列國則曰夫人姜氏至
自齊又曰紀伯姬卒書國稱姓此所以異乎天王后也
由此攷之尊稱皇帝赫赫無二何待於魏乎尊稱皇后
彰以謚號何待於姓乎議者欲書魏者此以爲天皇之
尊同於往古列國之君也或欲書姓者此以爲天皇之
后同於往古之夫人也乖經典之大義異乎聖人之明

制非所以垂訓將來爲萬世不易之式者也遂從孚議遷司空代王浚爲太尉及蜀將姜維寇隴右雍州刺史王經戰敗遣孚西鎮關中統諸軍事征西將軍陳泰與安西將軍鄧艾進擊維維退孚還京師轉太傅及高貴鄉公遭害百官莫敢奔赴孚枕尸於股哭之慟曰殺陛下者臣之罪奏推主者會太后令以庶人禮葬孚與羣公上表乞以王禮葬從之孚性至慎宣帝執政常自退損後逢廢立之際未嘗預謀景文二帝以孚屬尊不敢逼後進封長樂公及武帝受禪陳留王就金墉城孚拜辭執王手流涕歔歔不能自勝曰臣死之日固大魏之

純臣也詔曰太傅勲德弘茂朕所瞻仰以光導弘訓鎮
靜宇內願奉以不臣之禮其封爲安平王邑四萬戶進
拜太宰持節都督中外諸軍事有司奏諸王未之國者
所置官屬權未有備帝以孚明德屬尊當宣化樹教爲
羣后作則遂備置官屬焉又以孚內有親戚外有交游
惠下之費而經用不豐奉絹二千匹及元會詔孚乘輿
車上殿御覽二十九晉起居注曰太始四年正月上臨
晉書帝於阼階迎拜書鈔入十五引王隱晉書作武
晉書帝於阼階迎拜帝迎拜安平獻王於殿前類聚
四十五引王書作既坐帝親奉觴上壽如家人禮書鈔
上於阼階下迎拜引王隱晉書安平王傳作身執子孫禮御帝每拜孚跪
覽二十九引晉起居注作皆如家人之禮

而止之御覽二十九引晉起居注又給以雲母輦青蓋

車御覽六百八十一徐邈奏議曰安平獻王加青蓋九

車又七百七十三晉公卿禮秩曰安平王孚給青蓋

駕四馬孚雖見尊寵不以爲榮常有憂色五王隱晉

書曰孚雖見尊寵而常有戚容獻王一門三世同時十

人封王二人世子位極人臣子孫咸居大官出則旌旗

節鉞入則貂蟬衮冕自臨終遺令曰有魏貞士河內溫

縣司馬馬孚字叔達不伊不周不夷不惠立身行道終始

若一當以素棺單槨斂以時服泰始八年薨文選齊竟陵文宣王

行狀注王隱晉書曰謚曰獻御覽五百五十五時年九十

二晉公卿禮秩曰安平王孚薨方相車駕馬

三帝於太極東堂舉哀三日詔曰王勳德超世尊寵無

二期願在位朕之所倚庶永百齡諮仰訓導奄忽殂隕

哀慕感切其以東園溫明祕器晉宋書故曰晉代名臣

溫明祕器亦有東園溫明兼之者薛平獻王松子傳錄

盛冰之器周禮凌人大喪共夷槃冰是皆異數也祕器者

其盛冰之器東園溫明即藏冰之地案漢書霍光傳光

薨賜東園溫明如乘輿制度服虔注東園處此器形如

方漆桶開一面漆畫之以鏡置其中以懸尸上大斂并

蓋之又案顏師古注倭幸傳引漢官儀云東園祕器作

棺梓素木長二丈崇廣四尺據此祕器似非夷槃或者

宋制即以祕器盛冰則是漢宋同名而異用耳至師古

以東園為署名蓋作器之所東觀漢記云梁商薨賜東

園轎車朱壽器銀鏤黃金匣似晉之東園溫明猶仍漢

署舊名非凌室也又北堂書鈔九十二引晉公卿禮秩

云諸侯及從公薨者賜東園祕器則是當時本有儀注

未可以晉書但言賜祕器而禮志朝服一具衣一襲緋

不載遂謂有其事而無其禮也

練百匹絹布各五百匹錢百萬穀千斛以供喪事諸所

施行皆依漢東平獻王蒼故事其家遵孚遺旨所給器物一不施用帝再臨喪親拜盡哀及葬又幸都亭望柩而拜哀動左右給鑾輅輕車介士武賁百人吉凶導從二千餘人前後鼓吹御覽五百五十二晉公卿禮秩日安平王葬給挽歌六十人又七百七十三晉公卿禮秩日孚配饗太廟九子邕望輔翼晃薨葬給徘徊黑耳車一乘瓊珪衡景

邕字子魁初爲世子拜步兵校尉侍中先孚卒追贈輔

國將軍諡曰貞邕子崇爲世孫又早夭

通典九十一引姜輯安平王嗣

孫服議及安平王嗣孫薨諸侯應降服議

泰始九年立崇弟平陽亭侯隆爲

安平王立四年咸寧二年薨諡曰穆無子國絕

勞格校勘記日

案國絕下疑有脫文考武紀咸寧三年正月立安平穆
王弟敦爲安平王鯨躡賊母弟敦繼獻王璿後薨太康二
年正月景申薨五年改安平爲長樂國煖悖記立南宮
王子祐爲長樂王懷諝又通典懷王穆帝太和六年
以繼永五月九日安平王薨又孝武紀太元十一年八
月丁亥安平王遼之薨安紀義熙九年十二月安平王
球之薨則江左尙有嗣封
安平者安得云國絕乎

義陽成王望字子初出繼伯父朗

魏志司馬朗傳日明
帝封朗子遺昌武亭

侯朗弟孚又以子望繼朗後注晉諸公贊曰望字子初孚之長子咸熙中位至司徒案本傳孚長子邕次子望蓋以邕早薨無子故寬厚有父風魏志司馬朗傳注晉郎以望爲長子也諸公贊曰有才識早

知仕郡上計吏舉孝廉辟司徒掾厯平陽太守洛陽典

農中朗將從宣帝討王浚以功封永安亭侯遷護軍將

軍

魏志三少帝紀注晉諸公贊曰帝常與中護軍司馬望侍中王沈散騎常侍裴秀黃門侍郎鍾會等講宴

于東堂案如晉贊言當作中護軍本傳脫去中字

改封安樂鄉侯加散騎常侍

時魏高貴鄉公好才愛士望與裴秀王沈鍾會竝見親

待數侍宴筵公性急秀等居內職急有召便至以望外

官特給追鋒車一乘武賁五人

魏志三少帝紀注晉諸公贊曰帝性急請召欲

速秀等在內職到得及時以望在外特給追鋒車虎賁卒五人每有集會望輒奔馳而至時景文相

繼輔政未嘗朝覲權歸晉室望雖見寵待每不自安由

是求出爲征西將軍

郭休碑作征蜀將軍

持節都督雍涼二州諸

軍事在任八年威化明肅先是蜀將姜維屢寇關中及

望至廣設方略維不得爲寇關中賴之進封順陽侯徵

拜衛將軍領中領軍典禁兵尋加驃騎將軍開府頃之

代何曾為司徒

魏志司馬朗傳注晉諸公贊曰咸熙中位至司徒

武帝受禪封

義陽王

水經淮水注曰淮水又北出東南屈逕仁順城南注云故義陽郡治分南陽置也晉太始初以

封安平獻王孚長子望本治在石城山上因梁希侵逼徙治此

邑萬戶給兵二千人泰

始三年詔曰夫尚賢庸勳尊宗

一作崇

茂親所以體國經

化式是百辟也且台司之重存乎天官故周建六職政

典為首司徒中領軍以明德近屬世濟其美祖考創業

翼佐大命出典方任入贊朝政文德既著武功宣暢逮

朕嗣位弼道惟明宜登上司兼統軍戎內輔帝室外隆

威重其進位太尉中領軍如故置太尉軍司一人

案軍司魏

已有此官軍司蓋即軍師晉避諱改師為司魏志建安三年初置軍師祭酒荀攸傳太祖素聞攸名與語大悅

以爲軍師又表封攸轉爲中軍師辛毗傳以毗爲大將軍軍師鍾繇傳表繇爲前軍師華歆傳表歆爲軍師杜襲傳爲大將軍軍師裴潛傳爲太尉軍師趙儼傳征東大將軍曹休徵爲軍師明帝卽位轉大司馬軍師毛玠傳遷大軍師是魏之軍師甚爲貴重本書王衍傳言以太尉爲太傅軍司蔡謨傳言鄒鑒疾篤出謨爲太尉軍司似與魏軍師非一官又衛瓘傳鄧艾鍾會之伐蜀也瓘以本官持節監艾會軍事行鎮西軍司魏志鄧艾傳稱監軍衛瓘在會前行參軍事六人騎司馬五人休碑是軍司與監軍略同云巴蜀未賓侵犯王略元戎政行朝推英能以君爲使持節征蜀將軍司馬征蜀將軍卽義陽王望時休爲南鄉太守蓋徵至軍隸望部下又增置官騎十人并前三所稱司馬當卽騎司馬也

十假羽葆鼓吹吳將施績寇江夏邊境騷動以望統中軍步騎二萬出屯龍陂爲二方重鎮假節加大都督諸軍事會荊州刺史胡烈距績破之

案鄧休碑云陸抗奪地于南施績與尸于

口即謂此事武帝紀事望乃班師俄而吳將丁奉寇芍

在泰始四年與碑合

陂吳志三嗣主傳日寶鼎三年秋九月皓出東關丁奉至合肥望又率諸軍以赴之

未至而奉退拜大司馬魏志司馬朗傳注晉諸公贊日遷大尉大司馬時字為太宰父

子居上公位自中代以來未之有也孫皓率眾向壽春詔望統中軍二萬

騎三千據淮北皓退軍罷泰始七年薨時年六十七賻

贈有加望性儉吝而好聚斂身亡之後金帛盈溢以此

獲譏四子奔洪整楸奔至黃門郎先望卒整亦早亡以

奔子奇襲爵奇亦好畜聚不知紀極遣三部使到交廣

商貨為有司所奏太康九年詔貶為三縱亭侯更以章

武王威為望嗣後威誅復立奇為棘陽王以嗣望

河間平王洪字孔業出繼叔父昌武亭侯遺仕魏歷位

典農中郎將原武太守

勞格校勘記曰案魏無原武郡疑是原武典農也魏經結漢書

魏書卷之六

封襄賁男武帝受禪封河間王立十二年咸寧

二年薨二子威混威嗣徙封章武其後威既繼義陽王

望更立混爲洪嗣

五禮通考一百四十六曰此本生祖父無子立出後子之子爲後案此言

威之繼望案武帝紀大康九年徙章武王威爲義陽王立河間平王洪子英爲章武王英疑混之誤讀史舉正未檢本傳以混與英爲二人非是混歷位散騎常侍薨及洛陽陷混諸

子皆沒于胡而小子滔初嗣新蔡王確亦與其兄俱沒後得南還與新蔡太妃不協太興二年上疏以兄弟竝沒在遼東章武國絕宜還所生太妃訟之事下太常太

常賀循議章武新蔡俱承一國不絕之統義不得替其
本宗而先後傍親按滔既已被命爲人後矣必須無復
兄弟本國永絕然後得還所生今兄弟在遠不得言無
道里雖阻復非絕域且鮮卑恭命信使不絕自宜詔下
遼東依劉羣盧誕等例發遣令還繼嗣本封謂滔今未
得便委離所後也元帝詔曰滔雖出養自有所生母新
蔡太妃相待甚薄滔執意如此如其不聽終當紛紜更
爲不可今便順其所執還襲章武

廿二史攷異二十一
日按元帝紀建武元

年十一月封汝南王子賜爲新蔡王太興元年十一月
新蔡王弼薨弼之嗣新蔡在滔還襲章武之後弼既薨
于太興元年則滔上疏請還本生事斷不在太興二年
矣五禮通考一百四十七日案太常之議禮也元帝之

詔情也據禮則兄弟尙存不應歸宗論情則母子既乖
不容強合蓋雖不可以爲常法而不幸處變亦宜有以
變通而兩全之矣

沿厯位散騎常侍薨子休嗣休與彭城王雄
俱奔蘇峻峻平休已戰死弟珍年八歲以小弗坐咸和

六年襲爵位至太宗正薨無嗣河間王欽以子範之繼

案欽爲彭城康王釋子嗣樂成縣王融見
河間王顯傳惟未言其仍封河間王耳

位至游擊大

將軍

廿二史攷異二十一日按職官志有游擊將軍無大字

薨子秀嗣義熙元年

爲桂陽太守秀妻桓振之妹振作逆秀不自安謀反伏

誅國除

威字景曜初嗣洪咸寧三年徙封章武太康九年嗣義

陽王望威凶暴無操行諂附趙王倫元康末爲散騎常

侍倫將篡使威與黃門郎駱休逼帝奪璽綬倫以威爲中書令倫敗惠帝反正曰阿皮振吾指奪吾璽綬不可不殺阿皮威小字也於是誅威

隨穆王整兄弈卒以整爲世子歷南中郎將封清泉侯先父望薨追贈冠軍將軍

集古錄德政碑云整字孔修金石錄曰晉南鄉太守司馬

整頌云初仕魏拜郎中中郎議郎諫議大夫騎都尉給事中轉拜治書侍御史咸熙二年出臨鄴郡加宣威將軍又云謁者就郡拜君世子執節四讓推與兄嗣固辭懇誠泰伯三讓君又加焉又云泰始三年十一月使者奉詔策命君南中郎將牧統宛口都按晉史云兄弈以整爲世子歷南中郎將封清泉侯早卒其餘官闕皆不載據史言兄弈卒以整爲世子而碑言推與兄嗣二說不同當以碑爲正案集古錄題爲司馬府君紀德頌碑云泰始三年徙整爲南陽太守蓋先爲南鄉武帝以義後徙南陽而碑則南鄉人追思遺愛而立也

陽國一縣追封爲隨縣王子邁嗣太康九年以義陽之

平林益邁爲隨郡王

東晉疆域志曰元和志太康九年分義陽置隨郡所領止二縣隨平

林

竟陵王楸字孔偉初封樂陵亭侯起家參相國軍事武

帝受禪封東平王邑三千九十七戶入爲散騎常侍尙

書

書鈔五十八晉起居注曰太始十年詔東平王楸爲員外常侍通直殿中兼散騎常侍通直之號蓋自此

始也楸善諂諛曲事楊駿及駿誅依法當死東安公繇與

楸善故得不坐尋遷大鴻臚加侍中

勞格校勘記日本紀元康元年三月

以東平王楸爲撫軍大將軍庚戌免本傳失書繇欲擅朝政與汝南王亮不平

亮託以繇討駿願望免繇楸等官遣楸就國楸遂殖財

貨奢僭踰制趙王倫篡位召還及義兵起倫以楸爲衛

將軍都督諸軍事倫敗楸免官齊王冏輔政繇復爲僕

射舉楸爲平東將軍都督徐州諸軍事鎮下邳勞格校勘記曰

據本紀楸鎮下邳在永嘉元年八月東安復會在此九月傳誤成都王穎輔政進楸爲

衛將軍會惠帝北征卽以楸爲車騎將軍都督如故使

率眾赴鄴蕩陰之役東海王越奔于下邳楸不納越乃

還國帝旣西幸越總兵謀迎大駕楸甚懼長史王修說

曰東海宗室重望今將興義公宜舉徐州以授之此克

讓之美也楸從之乃自一作身承制都督兖州刺史車騎

將軍晉書校文三日東海王越傳言越以楸爲兖州刺史不云自承制表于天子時帝

在長安遣使者劉虔卽拜焉楸慮兗州刺史苟晞不避
己乃給虔兵使稱詔誅晞晞時已避位楸在州徵求不
已郡縣不堪命范陽王楸遣晞還兗州徙楸都督青州
諸軍事楸不受命背山東諸侯與豫州刺史劉喬相結
楸遣將田徽擊楸破之楸走還國帝還洛陽楸乃詣闕
及懷帝踐阼改封竟陵王拜光祿大夫越出牧豫州留
世子毗及其黨何倫訪察宮省楸白帝討越乃合眾襲
倫不剋帝委罪於楸楸奔竄獲免越薨乃出及洛陽傾
覆爲亂兵所害

太原成王輔魏末爲野王太守

案地理志魏所置郡無野王之名或暫置而旋

廢武帝受禪封渤海王

案通典八十二引姜輯議渤海王服范太妃事云至于渤海三

王自宜盡為母之制則安平九子中尚有二人與渤海王同母也

邑五千三百七十九

戶泰始二年之國後為衛尉出為東中郎將轉南中郎

將咸寧三年徙為太原王監并州諸軍事太康四年入

朝五年薨追贈鎮北將軍

水經汾水注曰太原郡治晉陽城魏土地記曰城東有汾

水南流水東有晉使持節都督并州諸軍事鎮北將軍太原成王之碑

永平元年更贈衛

將軍開府儀同三司子弘立元康中為散騎常侍後徙

封中上王

惠帝紀作泓讀史舉正曰案中上縣屬趙國王不應降封縣本紀元康三年太原王泓薨

中上亦不云三年薨子鐸立

翼字子世少歷顯位官至武賁中郎將武帝未受禪而

卒以兄邕之支子承為嗣封南宮縣王薨子祐嗣立承

遂

雍本無遂字

為後

御覽一百九十七晉起居注曰武帝詔安平獻王孫承昔以父早亡不建大祚

以縣封之今以三縣封為武邑王晉書校文三日案時

有汝南王祐與此傳承子祐輩行相等服屬亦近不應

一時宗室中兩人同名以帝紀攷之乃知此祐字係祐

字之譌太康五年紀言封南宮王子也袁宇記三冀州總序

此傳之祐非另有一南宮王子也袁宇記三冀州總序

言太康五年改為長樂國立孚曾孫祐為王作祐祐十

年割武遂武邑觀津為武邑國封南宮王承為王王祐

紀祐見承薨無後省還長樂報記祐其云立祐為王

不作祐雖亦沿此傳之譌然可藉以證帝紀封長樂王

祐之即祐所云承薨無後省還長樂者蓋祐以長樂王

為承後而不襲其封號也此傳言祐嗣立承遂為後遂

字應從雍本衍文義乃順勞格校勘記曰武紀泰始六

年五月立壽安亭侯承為南宮王承封壽安亭侯本傳

失載承自南宮縣王進武邑郡王傳亦失載按立下疑

有脫誤蓋祐封長樂王以嗣

安平王敦非嗣封武邑王也

下邳獻王晃字子明魏武封始亭侯

讀史舉正曰案拜文亭上有脫字

黃門侍郎改封西安男出爲東莞太守武帝受禪封下

邳王邑五千一百七十六戶泰始二年就國晃孝友貞

廉謙虛下士甚得宗室之稱

書鈔七十王隱晉書下邳王傳曰友孝恭順甚得名

稱

後爲長水校尉

書鈔六十一御覽二百四十一王隱晉書下邳王晃傳曰起家爲長水校

尉領千營置長史司馬

南中郎將九年詔曰南中郎將下邳王晃

清亮中正體行明潔才周政理有文武策識其以晃爲

使持節都督益益二州諸軍事安西將軍領益州刺史

書鈔七十二晉起居注曰太始元年詔曰益州險遠王

教未洽宜以重將親臣以鎮撫之南中郎將下邳王晃

爲之案以本傳攷之元年當作九年書鈔

晃以疾不行

所引詔文與本傳互異蓋各舉數語也

更拜尙書遷右僕射久之出爲鎮東將軍都督青徐二

州諸軍事

武帝紀作都督青州諸軍事

惠帝卽位入爲車騎將軍加

散騎常侍將誅楊駿以晃領護軍屯東掖門尋守尙書

令遷司空加侍中令如故咸寧六年薨

案武帝紀太康四年正月晃爲

尙書右僕射惠帝紀元康元年三月晃爲尙書令至六年正月薨傳作咸寧六年薨誤也

追贈太傅

二子哀綽哀早卒綽有篤疾別封良城縣王以太原王

輔第三子韓

宋本作韓

爲嗣官至侍中尙書早薨子韶立

太原烈王瓌字子臬魏長樂亭侯改封貴壽鄉侯歷振

威將軍祕書監

案魏志三少帝紀注引魏書有封固始散騎常侍臣瓌本傳失載此官

子武帝受禪封太原王邑五千四百九十六戶泰始二

年就國四年入朝賜袞冕之服遷東中郎將十年薨詔日瓌乃心忠篤智器雅亮厯位文武有幹事之績出臨封土夷夏懷附鎮守許都思謀可紀不幸早薨朕甚悼之今安厝在近其追贈前將軍子顒立徙封河閒王別有傳

高陽元王珪字子璋少有才望

書鈔五十九晉諸公贊曰少時有令望魏

高陽鄉侯厯河南令進封演陽子拜給事黃門侍郎武

帝受禪封高陽王邑五千五百七十戶厯北中郎將督

鄴城守諸軍事

御覽二百四十一晉起居注曰武帝太始二年詔鄴城守事宜速有人又當得

親親有文武器任者高陽王珪今來之國雖當出爲藩輔以才幹事亦古之制也其以珪爲督鄴城守事北中

郎將泰始六年入朝以父孥年高乞留供養拜尚書遷右

僕射

類聚四十八御覽二百十一晉諸公贊日司馬珪早歷顯職晉受禪為尚書左僕射時年三十七勞

格校勘記

日晉起居注謝勳仍作右僕射任愷傳亦作右僕射則左字誤也

十年薨

案書鈔五十九

引晉諸公贊日年四十七蓋其薨之年也年上有脫字

詔遣兼大鴻臚持節監護

喪事贈車騎將軍儀同三司珪有美譽於世

書鈔五十九晉諸公

贊日眾論以

而帝甚悼惜之無子詔以太原王輔子緝

為美者也

襲爵

讀史舉正日案輔時尚為渤海王咸寧三年徙太原廿二史攷異二十一日按晉宗室諸王多同名

者有高陽王緝又有中山王緝立五年咸寧四年薨

武帝

紀薨於咸寧四年七月庚寅

謚日哀無子太康二年詔以太原王瓌

世子顥子訟為緝後封真定縣侯

常山孝王衡字子平魏封德陽鄉侯進封汝陽子爲駙

馬都尉武帝受禪封常山王邑三千七百九十戶二年

薨無子以安平世子邕第四子敦爲嗣周家祿校勘記曰敦當爲殷殷

敦皆邕子案武帝紀咸寧元年十月常山王殷薨三年

正月立安平穆王隆弟敦爲安平王若敦爲常山王嗣

則已於咸寧元年薨矣何以三年又立爲安平王乎

沛順王景字子文魏樂安亭侯歷諫議大夫武帝受禪

封沛王邑三千四百戶立十一年咸寧元年薨子韜立

晉書校文三曰懷帝紀永嘉五年七月石

勒寇穀陽沛王滋戰敗遇害應是韜後

彭城穆王權

孫紘紘子俊周家祿校勘記曰按權子植植子釋釋子紘紘於

權爲會孫宜作會孫紘俊傳首句作恭王俊諸

王有諡者目皆照傳首書諡宜作紘子恭王俊

彭城穆王權字子與宣帝弟魏魯相東武城侯廆之子

也初襲封拜冗從僕射武帝受禪封彭城王

世說汰侈篇注朱鳳

晉書曰彭城穆王權太始元年封

邑二千九百戶出爲北中郎將都督

鄴城守諸軍事泰始中入朝賜袞冕之服咸寧元年薨

子元王植立歷位後將軍尋拜國子祭酒太僕卿侍中

尙書出爲安東將軍

惠帝紀作平東

都督揚州諸軍事代淮南

王允鎮壽春未發或云植助允攻趙王倫遂以憂薨贈

車騎將軍增封萬五千戶子康王釋立官至南中郎將

持節平南將軍分魯國蕃薛二縣以益其國凡二萬三

千戶薨子雄立坐奔蘇峻伏誅更以釋子紘嗣

紘字偉德初封唐

元作堂

邑縣公建興末元帝承制以紘

繼高密王據及帝卽位拜散騎侍郎遷翊軍校尉前將

軍雄之誅也紘入繼本宗拜國子祭酒加散騎常侍尋

遷大宗正祕書監有風疾性理不恆或欲上疏陳事厯

示公卿又杜門讓還章印貂蟬著杜門賦以顯其志

隋志

梁有彭城王紘集二卷亡唐志作八卷文選頭陀寺碑

文注何法盛晉書曰彭城王紘以肅祖明皇帝好佛手

書形像經歷寇難而由是更拜光祿大夫領大宗師常

此堂猶在宜成作頌

侍如故

案大宗師爲後疾甚馳騁無度或攻劫軍寺或

扞傷官屬醜言悖詈誹謗上下又乘車突入端門至太

極殿前於是御史中丞車灌奏劾請免紘官下其國嚴

加防錄成帝詔曰王以明德茂親居宗師之重宜敷道
養德靜一其操而頃游行煩數冒履風塵宜令官屬已
下各以職奉衛不得令王復有此勞內外職司各慎其
局王可解常侍光祿宗師先所給車牛可錄取賜米布
牀帳以養疾咸康八年薨贈散騎常侍金紫光祿大夫
二子立俊立嗣立會庚戌制不得藏戶立匿五戶桓溫
表立犯禁收付廷尉既而宥之位至中書侍郎薨子弘
之立位至散騎常侍薨子邵立薨子崇之立薨子緝之
立宋受禪國除

恭王俊字道度出嗣高密王略官至散騎常侍薨子敬

王純之立歷臨川內史司農少府卿太宰右長史薨子
恢之立南史司馬裴傳曾祖純之晉大司農高密敬王祖讓之員外常侍父變國子博士裴字元表晉安王長史案本傳敘純之歷官甚詳南史義熙末以給作大司農誤衍大字讓之當是恢之之弟
事中兼太尉修謁洛陽園陵宋受禪國除

高密文獻王泰

子孝王略 略兄新蔡武哀王騰子莊王確 略弟南陽

王模模子保

高密文獻王泰字子舒彭城穆王權之弟魏陽亭侯補
陽翟令遷扶風太守武帝受禪封隴西王邑三千二百
戶拜游擊將軍出為兗州刺史加鷹揚將軍遷使持節
都督益益二州諸軍事安西將軍領益州刺史案本傳下文於

都督關中事上云遷安西將軍此處不應先已遷
安西以益州地望度之當作遷安南將軍方合 稱疾

不行轉安北將軍代兄權督鄴城守事遷安西將軍都

督關中事

書鈔六十四晉起居注曰武帝詔曰關中內
屏京畿外蕃河右北捍戎狄南鎮巴漢宜任

懿親以靜西土隴西王素秉心誠亮思度弘璽案素爲
泰之誤泰初封隴西王也弘璽下有脫文又一條引作
隴西王泰不誤弘璽引作弘遠此爲命泰
都督關中之詔惟書鈔兩引均未完備 太康初入爲

散騎常侍前將軍領鄴城門校尉以疾去官後代下邳

王晃爲尙書左僕射

讀史舉正曰左當爲右時魏舒爲
左僕射勞格校勘記曰武紀作右

僕射案晃傳亦作右
僕射此本傳誤也

出爲鎮西將軍領護西戎校尉假

節代扶風王駿都督關中軍事以疾還京師永熙初代

石鑒爲司空

書鈔六十九王隱晉書曰左思少好學司
徒隴西王泰辟爲祭酒案本傳不言爲司

徒乃司尋領太子太保及楊駿誅泰領駿營加侍中給

步兵二千五百人騎五百匹泰固辭乃給千兵百騎楚

王瑋之被收泰嚴兵將救之祭酒丁綏諫曰公爲宰相

不可輕動且夜中倉卒宜遣人參審定問泰從之瑋既

誅乃以泰錄尙書事遷太尉書鈔五十一摯虞隴西王策云惟君爲世家親則宗

臣君其上清三光下蓋九域永欽洪範以康濟宇宙欽哉御覽二百七摯虞冊隴西王太尉文曰朕惟君行爲

時表親則宗臣論道經邦保乂王家是用進登上台案泰遷太尉時尙未由隴西改封高密惟惠帝紀永平元

年六月元康但言錄尙書事失載太尉守尙書令改封高密王邑萬戶元

康九年薨追贈太傅泰性廉靜不近聲色雖爲宰輔食

大國之租服飾肴膳如布衣寒士任眞簡率每朝會不

識者不知其王公也事親恭謹居喪哀戚謙虛下物爲
宗室儀表當時諸王惟泰及下邳王晃以節制見稱雖
並不能振施其餘莫得比焉泰四子越騰略模御覽二
百四十
二晉諸公讚曰司馬騰騰之文獻王越自有傳騰出後
泰之第三子也案三子爲二子之誤
叔父弟略立

孝王略字元簡

廿二史攷異二十一曰按高密孝王略

字子文而本紀書沛王子文城陽懷王景字景度而孝

本紀書城陽王景度蓋當時諸王亦有以字行者

敬慈順小心下士少有父風元康初愍懷太子在東宮

選大臣子弟有名稱者以爲賓友略與華恆等並侍左
右厯散騎黃門侍郎散騎常侍祕書監出爲安南將軍

惠帝紀持節都督河南諸軍事遷安北將軍都督青州

作鎮南

諸軍事勞格校勘記曰惠紀永興元年十二月詔以高密王簡爲鎮南將軍領司隸校尉權鎮洛陽則

略嘗由安北進

鎮南傳失載

永興初愷令劉根起兵東萊

周家祿校勘記曰據惠帝紀宜作劉柏根按柏根爲

王浚討斬浚別有督護劉根又惠帝紀有武昌太守劉根別一人案事在惠帝光熙元年此誤作永興誑

惑百姓眾以萬數攻略於臨淄略不能距走保聊城懷

帝卽位遷使持節都督荊州諸軍事征南大將軍開府

儀同三司

勞格校勘記曰懷紀永嘉元年三月以征東將軍高密王簡爲征南大將軍都督荊州諸

軍事鎮襄陽則略又

嘗遷征東矣傳失載

京兆流人王道與叟人郝洛聚眾數千屯于冠軍略遣參軍崔曠率將軍皮初張洛等討

道爲道所誦戰敗略更遣左司馬曹據統一作曠等進

逼道將大戰曠在後密自退走據軍無繼戰敗死之略

乃赦曠罪復遣部將韓松又督曠攻道道降尋進開府

加散騎常侍永嘉三年薨追贈侍中太尉子據立薨無

子以彭城康王子紘爲嗣其後紘歸本宗立紘子俊以

奉其祀五禮通考一百四十七日據與紘本從祖兄弟

宗立後則行輩無誤而情理兩合是爲可法雖間代亦可也

新蔡武哀王騰字元邁少拜允從僕射御覽二百四十

滕驢作性沈壯起封東嬴公廿二史攷異二十一日按

家爲允從僕射東嬴公騰爵爲東燕王本傳失書惠帝紀光熙元年九月進

勞格校勘記日地理志無東嬴縣歷南陽魏郡太守書

六十三晉諸公讚曰滕意欲索官所在稱職
開什案以自顯由是出為南陽魏郡太守
徵為宗正遷太常轉持節宣北將軍晉書校文三日宣
元年及成都王穎王浚李惠各傳郗隆傳又有宣東將
軍通鑑攷異謂晉無四宣宣皆平之謗言固有徵然頗
疑西晉時實有四宣軍號但暫置即革職官志漏未敘
及爾案宣北郎宣朔現邪王仙司馬休之王浚傳均作
宣朔都督并州諸軍事并州刺史惠帝討成都王穎六
軍敗績騰與安北將軍王浚共殺穎所署幽州刺史和
演率眾討穎穎遣北中郎將王斌距戰穎傳作幽州浚
率鮮卑騎擊斌騰為後係大破之穎懼挾帝歸洛陽進
騰位安北將軍周家祿校勘記曰據惠帝紀時王浚為
元年封東燕王事下改封新蔡王據由東燕永嘉初遷
王而言若由東嬴當云進封不當云改封也

車騎將軍都督鄴城守諸軍事鎮鄴五行志中作車騎大將軍懷帝紀作

都督司冀二州又以前以迎駕之勳改封新蔡王初騰發并

諸軍事鎮鄴州次于真定值大雪平地數尺營門前方數丈雪融不

積騰怪而掘之得玉馬高尺許表獻之五行志中日車騎大將軍東嬴

王公騰自并州遷鎮鄴行次真定時久積雪而當門

前方數丈獨消釋騰怪而掘之得玉馬高尺許口齒缺

騰以馬者國姓上送之以為瑞初學記二藏榮緒晉書

日新蔡王騰發於并州於常山之真定縣遇天大雪平

地數丈雪融不積騰怪而使掘之得玉馬高尺許上表

獻之類聚二晉諸公贊日東嬴王公騰作騰於常山屯營

時大積雪常山門前方數丈融液騰怪而掘之得玉馬

高尺餘太平廣記一百三十九異苑日騰以為馬者困

姓稱吉祥焉或以為馬無其後公師藩與平陽人汲桑

齒則不食米幾晉大亂乃陽平人桑魏郡人此云平

等為羣盜起於清河鄒縣讀史舉正日案石勒載記藩

乃陽平人桑魏郡人此云平

三

陽得非因陽

眾千餘人寇頓丘以葬成都王穎爲辭載

平而誤耶

穎主而行與張泓故將李豐等將攻鄴騰曰孤在并州
七年胡圍城不能剋汲桑小賊何足憂也及豐等至騰
不能守率輕騎而走爲豐所害四子虞矯紹確虞有勇
力騰之被害虞逐豐豐投水而死是日虞及矯紹并鉅
鹿太守崔曼車騎長史羊桓一作恒從事中郎蔡充等又爲
豐餘黨所害及諸名家流移依鄴者死亡並盡初鄴中
雖府庫虛竭而騰資用甚饒性儉嗇無所振惠臨急乃
賜將士米可數升帛各丈尺是以人不爲用遂致於禍
及苟晞救鄴桑還平陽于時盛夏尸爛壞不可復識騰

及三子骸骨不獲

通典一百三張憑新蔡王招魂葬議

日新蔡王所繼先王昔永嘉之難覆

殲寇虜靈柩未返今求招魂靈安厝謹案禮無招靈之

女若藏靈棺以奉終則非原形之實埋靈爽於九泉則

失事神之道懼非古

庶子確立

莊王確字嗣安歷東中郎將都督豫州諸軍事鎮許昌

永嘉末爲石勒所害無子初以章武王混子滔奉其祀

其後復以汝南威王祐子弼爲確後太興元年薨

通典八十

二日晉新蔡王年四歲而亡太常博士張亮爲新蔡王

塲服議案新蔡哀王騰莊王確及邈晃諸人均有厯官

崇爲奴所害疑四歲

而亡者非滔卽弼也無子又以弼弟邈嗣確位至侍中

薨子晃立拜散騎侍郎桓溫廢武陵王免晃爲庶人徙

衡陽孝武帝立晃弟崇繼邈後爲奴所害子惠立宋受

禪國除

南陽王模字元表少好學與元帝及范陽王虓俱有稱
於宗室初封平昌公惠帝末拜冗從僕射累遷太子庶
子員外散騎常侍成都王穎奔長安東海王越以模爲
北中郎將鎮鄴永興初成都王穎故帳下督公師藩樓
權郝昌等攻鄴模左右謀應之廣平太守丁邵率眾救
模范陽王虓又遣兖州刺史苟晞援之藩等散走案晞本傳
時已由兖州遷青州石勒遷鎮東大將軍鎮許昌進爵
載記又誤作濮陽太守
南陽王永嘉初轉征西大將軍開府都督秦雍梁益諸
軍事勞格校勘記日本紀永嘉元年三月以征南將軍
模爲征西大將軍是模嘗自鎮東遷征南矣本傳

失代河間王頤鎮關中模感丁邵之德勅國人爲邵生書

立碑時關中饑荒百姓相噉加以疾疢盜賊公行模力不能制乃鑄銅人鐘鼎爲釜器以易穀議者非之東海王越表徵模爲司空遣中書監傅祗代之模謀臣滔于定說模曰關中天府之國霸王之地今以不能綏撫而還旣於聲望有虧又公兄弟唱起大事而並在朝廷若自強則有專權之罪弱則受制於人非公之利也模納其言不就徵表遣世子保爲西中郎將東羌校尉鎮上邽秦州刺史裴苞距之模使帳下都尉陳安率眾攻苞苞奔安定太守賈疋以郡迎苞模遣軍司謝班伐疋疋

退奔盧水

晉書校文三曰正傳丁綽譖正于模模以謝班代之正奔盧水後復入安定殺班與此傳

異意者以郡迎苞即綽之譖言模使班伐正亦未必即以相代逮正既出奔遂使班居其位故正得復出殺班

也其年進位太尉大都督洛京傾覆模使牙門趙染戍

蒲坂染求馮翊太守不得怒率眾降于劉聰聰使其子

粲及染攻長安模使淳于定距之爲染所敗士眾離叛

倉庫虛竭軍祭酒韋輔曰事急矣早降可以免模從之

遂降于染染箕踞攘袂數模之罪送詣粲粲殺之以模

妃劉氏賜胡張本爲妻子保立

保字景度少有文義好述作初拜南陽國世子模遇害

保在上邽其後賈疋死裴苞又爲張軌所殺保全有秦

州之地自號大司馬承制置百官隴右氏羌並從之涼
州刺史張寔遣使貢獻及愍帝卽位以保爲右丞相加
侍中都督陝西諸軍事尋進位相國模之敗也都尉陳
安歸於保保命統精勇千餘人以討羌寵遇甚厚保將
張春等疾之譖安有異志請除之保不許春等輒伏刺
客以刺安安被創馳還隴城遣使詣保貢獻不絕愍帝
之蒙塵也保自稱晉王時上邽大饑士眾窘困張春奉
保之南安陳安自號秦州刺史稱藩於劉曜春復奉保
奔桑城將投于張寔寔使兵迎保實禦之也是歲保病

薨

勞格校勘記日本紀太興三年五月
晉王保爲其將張春所害與傳異

時年二十七保

體質豐偉嘗自稱重八百斤喜睡痿疾不能御婦人無
子張春立宗室司馬瞻奉保後陳安舉兵攻春春走瞻
降于安安送詣劉曜曜殺之安迎保喪以天子禮葬于
上邽諡日元

范陽康王綏

子虓

范陽康王綏字子都彭城王權季弟也初爲諫議大夫

泰始元年受封在位十五年咸寧五年薨

武帝紀作四年七月水經

聖水注曰涿縣城內東北角有晉康王碑案此碑當是綏薨後所建

子虓立焉

虓字武會少好學馳譽研攷經記清辯能言論以宗室
選拜散騎常侍累遷尙書出爲安南將軍都督豫州諸

軍事持節鎮許昌進位征南將軍河間王頤表立成都

王穎爲太弟爲王浚所破挾天子還洛陽虓與東平王

楸鎮東將軍周馥等上言

勞格校勘記日案馥傳惠帝幸鄴以馥守河南尹上官已

敗復攝河南尹帝還宮出爲平東將軍代劉準爲日自

鎮東將軍馥是時尙是河南尹傳作鎮東誤也

愍懷被害皇儲不建委重前相輒失臣節是以前年太

宰與臣永惟社稷之貳不可久空所以共啟成都王穎

以爲國副受重之後而弗克負荷小人勿用而以爲腹

心骨肉宜敦而猜佻荐至險詖宜遠而讒說殄行此皆

臣等不聰不明失所宗賴遂令陛下謬於降授雖戮臣

等不足以謝天下今大駕還宮文武空曠制度荒破靡

有子遺臣等雖劣足匡王室而道路之言謂張方與臣等不同既借所在典異又以太宰惇德允元著於具瞻每當義節輒爲社稷宗盟之先張方受其指教爲國效節昔年之舉有死無貳此卽太宰之良將陛下之忠臣但以受性彊毅不達變通遂守前志已致紛紜然退思惟旣是其不易之節且慮事翻之後爲天下所罪故不元作未卽西還耳原其本事實無深責臣聞先代明主未嘗不全護功臣令福流子孫自中間以來陛下功臣初無全者非獨人才皆劣其於取禍實由朝廷策之失宜不相容恕以一旦之咎喪其積年之勳旣違周禮議功

之典且使天下之人莫敢復爲陛下致節者臣等此言
豈獨爲一張方實爲社稷遠計欲令功臣長守富貴臣
愚以爲宜委太宰以關右之任一方事重及自州郡已
下選舉授任一皆仰成若朝之大事廢興損益每輒疇
諮此則二伯述職周召分陝之義陛下復行於今時遣
方還郡令羣后申志時定王室所加方官請悉如舊此
則忠臣義士有勸功臣必全矣司徒戎異姓之賢司空
越公族之望並忠國愛主小心翼翼宜榦機事委以朝
政安北將軍王浚佐命之盾率身履道忠亮清正遠近
所推如今日之大舉實有定社稷之勳此是臣等所以

嘆息歸高也浚宜特崇重之以副羣望遂撫幽朔長爲
北藩臣等竭力扞城藩屏皇家陛下垂拱而四海自正
則四祖之業必隆於今日月之暉昧而復曜乞垂三思
察臣所言又可以臣表西示太宰又表日成都王失道
爲姦邪所誤論王之身不宜深責且先帝遺體陛下羣
弟自元康以來罪戮相尋實海內所爲恟恟而臣等所
以痛心今廢成都更封一邑宜其必許若廢黜尋有禍
害旣傷陛下矜慈之恩又令遠近恆謂公族無復骨肉
之情此實臣等內省悲慙無顏於四海也乞陛下察臣
忠款於是虓先率眾自許屯於滎陽會惠帝西遷虓與

從兄平昌公模長史馮嵩等刑白馬啗血而盟推東海
王越爲盟主虓都督河北諸軍事驃騎將軍持節領豫
州刺史劉喬不受越等節度乘虛破許虓自拔渡河王
浚表虓領冀州刺史資以兵馬虓入冀州發兵又南濟
河破喬等河間王顥聞喬敗斬張方傳首於越越與虓
西迎帝而顥出奔於是奉天子還都拜虓爲司徒惠帝紀作
司空永興三年暴疾薨水經聖水注曰涿縣城內有范陽王司馬虓廟碑案當是虓薨後所
建廿二史攷異二十一日惠帝紀虓薨于光熙元年十月按是歲十月改元光熙則當書光熙爲正時年
三十七無子養模子黎爲嗣黎隨模就國於長安遇害

濟南惠王遂

曾孫勳周家祿校勘記
日勳傳不別爲篇目宜刪

濟南惠王遂字子伯宣帝弟魏鴻臚丞恂之子也仕魏
關內侯進封平昌亭侯歷典軍郎將景元二年轉封武
城鄉侯督鄴城守諸軍事北中郎將五等建封祝阿伯
累遷冠軍將軍武帝受禪封濟南王泰始二年薨二子
耽緝耽嗣立咸寧三年徙爲中山王是年薨無子緝繼
成都王穎以緝爲建威將軍與石熙等率眾距王浚沒
於陣薨無子國除後遂之曾孫勳字偉長勞格校勘記
日據本紀耽
薨於元康二年九月此疑有誤案耽緝
既皆無子而又云遂曾孫勳自相違反年十餘歲愍帝
末長安陷劉曜將令狐泥養爲子及壯便弓馬能左右
射咸和六年自關右還自列云是大長秋恂之玄孫冠

軍將軍濟南惠王遂之曾孫略陽太守瓘之子遂拜謁

者僕射以勇聞庾翼之鎮襄陽以梁州刺史援桓宣卒

請勦代之初屯西城退守武當

晉書校文三曰援疑授之謫周家祿校勘記曰

援衍文水經河水注曰河水東過南鄭縣南注云晉咸

康中梁州刺史司馬勳斷小城東面三分之一以為梁

州漢中南時石季龍死中國亂雍州諸豪帥馳告勳勳

率眾出駱谷壁于懸鉤去長安二百里遣部將劉煥攻

長安又拔賀城

元和郡縣圖志二十二曰駱谷路在今洋州西北二十里州至谷四百二十里

晉司馬勳出駱谷破趙戍壁於懸鉤去長安二百里按

駱谷在長安西南南口曰儻谷北口曰駱谷讀史方輿

紀要五十三曰王氏曰懸鉤在長城戍東地險固內於

控駱谷之口外通雍豫之境賀城戍在盩厔縣西於

是關中皆殺季龍太守令長以應勳勳兵少未能自固

復還涼州

勞格校勘記日涼當作梁

永和十中張琚據隴東遣使招勦

勦復入長安初京兆人杜洪以豪族陵琚琚以勇俠侮

洪洪知勦憚琚兵彊因說勦日不殺張琚關中非國家

有也勦乃偽請琚於坐殺之琚弟走池陽合眾攻勦頻

戰不利請和歸梁州後桓溫伐關中命勦出子午道元和

郡縣圖志一日子午關在長安縣南百里王莽通子午

道因置此關今洋州東二十里日龍亭此入子午谷之

路讀史方輿紀要五十六日子午道今新開南口日午

在洋縣東百六十里北口日子在西安府南百里漢中

人入長安取子午路谷長六百六十里或日即古蝕中

也項羽封沛公為漢王都南鄭漢王之國從杜南入蝕

中此去輒燒絕棧道蓋即而為苻雄所敗退屯子女媧堡

此在鎮州古日舊縣界

讀史方輿紀要五十三日俄遷征虜將軍晉書校文三

女媧堡在藍屋縣西南日李期載記

作建威以庾翼傳參之蓋
動先爲建威後遷征虜

監關中軍事領西戎校尉賜

爵通吉亭侯爲政暴酷至於治中別駕及州之豪右言
語忤意卽於坐梟斬之或引弓自射西土患其凶虐在
州常懷據蜀有僭僞之意桓溫聞之務相綏懷以其子
康爲漢中太守勳逆謀已成憚益州刺史周撫未發及
撫卒遂擁眾入劔閣梁州別駕雍端西戎司馬隗粹並
切諫勳皆誅之自號梁益二州牧成都王桓溫遣朱序
討勳勳兵潰爲序所獲及息龍子長史梁憚司馬金壹
等送于溫並斬之傳首京師

譙剛王遜

子閔王承
子敬王恬

承子烈王無忌
恬子忠王尙之

無忌
尙之

弟恢之

休之

允之

韓延之

恬弟愔

譙剛王遜字子悌宣帝弟魏中郎進之子也仕魏關內
侯改封城陽亭侯參鎮東軍事拜輕車將軍羽林左監
五等建徙封涇陽男武帝受禪封譙王邑四千四百戶
泰始二年薨二子隨承定王隨立薨子邃立沒于石勒
惠帝紀隨薨于太安元年正月庚子通鑑承作承音拯
永經陰溝水注曰過水南有譙定王司馬士會冢冢前
有碑晉永嘉三年立碑南二百許步有兩石柱高丈餘
半下爲束竹交文作制極工石榜云晉故使持節散騎
常侍都督揚州江州諸軍事安東大將軍譙定王河內
溫司馬公墓之神道案本傳於隨之歷官闕焉不詳蓋
時值永嘉之亂其子又沒于石勒也幸賴鄭注得以元
攷見大略字曰士會正與隨字相合亦可補史之遺元
帝以承嗣遜

閔王承字敬才

世說仇隱篇注引晉陽秋作字元敬證曰愍王書鈔六十一引晉中興書宗室

錄作謹愍王承字士恭七十二又引作字士敬

少篤厚有志行拜奉車都尉奉

朝請稍遷廣威將軍安夷護軍鎮安定從惠帝還雒陽拜游擊將軍永嘉中天下漸亂閒行依征南將軍山簡會簡卒進至武昌元帝初鎮揚州承歸建康補軍諮祭酒愍帝徵爲龍驤將軍不行元帝爲晉王承制更封承爲譙王太興初拜屯騎校尉加輔國將軍領左軍將軍承居官儉約家無別室尋加散騎常侍輔國左軍如故王敦有無君之心表疏輕慢

魏書司馬彪傳作表疏言旨不遜

帝夜召

承以敦表示之曰王敦頃年位任足矣而所求不已言

至於此將若之何

魏書司馬叔傳作敦言如此豈有厭哉

承曰陛下不早

裁之難將作矣帝欲樹藩屏會敦表以宣城內史沈充

爲湘州帝謂承曰湘州南楚險固

書鈔七十二引晉中興書險固作阻固

在上流之要控三州之會是用武之國也今以叔父居

之何如

書鈔七十二引晉中興書作固叔父所居知之也

承曰臣幸託末屬身

當宿衛未有驅馳之勞頻受過厚之遇夙夜自厲思報

天德君之所命惟力是視敢有辭焉然湘州蜀寇之餘

人物彫盡若上憑天威得之所莅比及三年請從戎役

若未及此雖復灰身亦無益也於是詔曰夫王者體天

理物非羣才不足濟其務外建賢哲以樹風聲內睦親

親以廣藩屏是以太公封齊伯禽居魯此先王之令典

古今之通義也我晉開基列國相望乃授琅邪武王鎮

統東夏汝南文成一作武總一淮許扶風梁王迭據關右爰

暨東嬴作司并州今公族雖寡不逮曩時豈得替舊章

乎散騎常侍左將軍譙王承貞素款亮志存忠恪便蕃

左右恭肅彌著今以承監湘州諸軍事南中郎將湘州

刺史初劉隗以王敦威權太盛終不可制勸帝出諸心

腹以鎮方隅故先以承爲湘州續用隗及戴若思等並

爲州牧承行達武昌釋戎備見王敦敦與之宴輿地紀勝二十

六日是時王處仲領江州刺史都督六州駐武昌故譙

王之鎮而就見之耳自懷帝永嘉五年至元帝大興三

年凡十年則刺史自豫章移鎮武昌之年月雖無所紀
載然亦不過在此十年之間王處仲領刺史之日耳元
和志云晉惠帝元康二年於郡理立江州晉元帝時江
州自豫章移理武昌郡自後或理益城或理尋陽或理
本州並在淦城近側沈約宋志以爲成
帝咸康六年移治武昌年月小有不同
欲觀其意謂承
日大王雅素佳士世說仇隱篇注引晉陽秋雅素作篤實恐非將帥才也

世說仇隱篇注引晉陽秋御覽一百承日公未見知耳

五十一引晉中興書將帥均作將御承日公未見知耳

鉛刀豈不能一割乎御覽一百三十一引晉中興書作

割書鈔六十九語林云譙王承當作承以敦欲測其情

過大將軍日卿才堪廊廟自無間外

故發此言敦果謂錢鳳日彼不知懼而學壯語此之不
武何能爲也聽承之鎮時湘土荒殘公私困弊承躬自
儉約乘葦菱車

書鈔六十一晉中興書宗室錄日承列
位兼重身居藩屏猶躬處儉約乘草莽

車而傾心綏撫甚有能名敦恐其爲己患詐稱北伐悉

召承境內船乘承知其姦計分半與之敦尋構難遣參

軍桓熙說承以劉隗專寵今便討擊請承以爲軍司世說

仇陳篇注引晉陽秋作軍司馬以軍期上道承歎曰吾其死矣地荒人

鮮勢孤援絕赴君難忠也死王事義也惟忠與義世說

篇注引晉陽秋惟作死夫復何求便欲唱義而眾心疑惑承曰吾

受國恩義無有貳府長史虞惺慷慨有志節謂承曰王

敦居分陝之任而一旦作逆天地所不容人神所痛疾

大王宗室藩屏寧可從其僞邪便宜電奮存亡以之於

是與惺及弟前丞相掾望晉書校文三日攷惺傳時望爲承司馬至元帝丞相掾之

辟望恥不應則實未居職云前丞相掾殊未覈周家祿校勘記曰弟上當補悝字或其字文乃明弟悝之弟也

建昌太守長沙王循衡陽太守淮陵劉翼等共盟誓囚

桓羆馳檄湘川指期至巴陵零陵太守尹奉首同義謀

出軍營陽於是一州之內皆同義舉乃使虞望討諸不

服斬湘東太守鄭澹澹敦姊夫也敦遣南蠻校尉魏父

將軍李恆田嵩等甲卒二萬以攻承

世說仇隙篇注晉陽秋曰敦遣從母

弟魏父攻承魏書司馬淑傳曰敦遣從母弟南蠻校尉魏父率江夏太守李恆攻承於臨湘案李恆魏書作太

守與本傳異未知孰是

承且戰且守待救於尹奉虞望而城池不

固人情震恐或勸承南投陶侃又云可退據零桂承曰

吾舉義眾志在死節寧偷生苟免爲奔敗之將乎事之

不濟其令百姓知吾心耳初安南將軍甘卓與承書勸
使固守當以兵出沔口斷敦歸路則湘圍自解承荅書
曰季思足下勞於王事天網暫圯中原丘墟四海義士
方謀剋復中興江左艸創始爾豈圖惡逆萌自寵臣吾
以闇短託宗皇屬仰豫密命作鎮南夏親奉中詔成規
在心伯仁諸賢扼腕岐路至止尙淺凡百茫然豺狼易
驚遂肆醜毒聞知駭踊神氣衝越子來之義人思自百
不命而至眾過數千誠足以決一旦之機據山海之憤
矣然迫於倉卒舟楫未備魏父李恆尋見圍逼是故事
與意違志力未展猥辱來使深同大趣

一作越

嘉謀英算

發自深衷執讀周復欣無以量足下若能卷甲電赴猶
 或有濟若其狐疑求我枯魚之肆矣兵聞拙速未覩工
 遲季思足下勉之勉之書不盡意絕筆而已卓軍次賭
 口聞王師敗績停師不進父等攻戰日逼敦又送所得
 臺中人書疏令父射以示承城內知朝廷不守莫不悵
 惋劉翼戰死相持百餘日城遂沒案魏書司馬叔傳作旬日城陷與此大異
 父檻送承荊州刺史王廙承敦旨於道中害之世說仇隱篇注
 引晉陽秋作王廙時年五十九敦平詔贈車騎將軍世說
 使賊迎之薨於車
 仇隱篇注引晉陽
 秋作追贈驃騎子無忌立世說仇隱篇注司馬氏譜
 氏當為無日承娶南陽趙氏女案趙
 忌之母

烈王無忌字公壽

世說仇隱篇注無忌別傳曰無承之忌字公壽才器兼濟有文武幹

難以年小獲免咸和中拜散騎侍郎累遷屯騎校尉中

書黃門侍郎江州刺史褚哀當之鎮無忌及丹楊尹桓

景等餞於版橋時王廙子丹楊丞耆之在坐無忌志欲

復讎拔刀將手刃之哀景命左右救捍獲免

世說賞譽篇下注王

氏譜曰耆之字修載荊州刺史廙第三子廙中書郎鄱陽太守給事中仇隱篇曰王大將軍執司馬愍王夜遣世將載王於車而殺之當時不盡知也雖愍王家亦未之皆悉而無忌兄弟皆稱王胡之與無忌長甚相暱胡之嘗共游無忌入告母請為饌母流涕曰王敦昔肆酷汝父假手世將吾所以積年不告汝者王氏門彊汝兄弟尚幼不欲使此聲著蓋以避禍耳無忌驚號抽刃而出胡之已去遠案王廙傳胡之歷郡守侍中丹楊尹耆之則不見於傳今傳云丹楊丞耆之是誤以胡之為耆之也惟耆之之名幸得於此一誤見耳譜云廙第三子

當是胡之弟世說既言爲胡之事而次章又言無忌
奪刀欲斫修載注引中興書亦云是者之或當時傳聞
本有兩說故本傳以爲者御史中丞車灌奏無忌欲專
之而官名則用胡之也

殺人付廷尉科罪成帝詔曰王敦作亂閔王遇禍尋事
原情今王何責然公私憲制亦已有斷王當以體國爲
大豈可尋繹由來以亂朝憲主者其申明法令自今已
往有犯必誅於是聽以贖論建元初遷散騎常侍轉御
史中丞出爲輔國將軍長沙相又領江夏相尋轉南郡
河東二郡太守將軍如故隨桓溫伐蜀以勳賜少子愔
爵廣晉伯進號前將軍永和六年薨贈衛將軍世說仇
隙篇注
引無忌別傳二子恬愔恬立
作衛軍將軍

敬王恬

書鈔六十二引晉中興書宗室錄誤恬作括

字元愉少拜散騎侍郎

累遷散騎常侍黃門郎御史中丞值海西廢簡文帝登

阼未解嚴大司馬桓溫屯中堂吹警角

書鈔六十二初學記十二引晉

中興書宗室錄吹上有夜字又一百二十一引作夜警吹角

恬奏劾溫大不敬請科

罪

書鈔六十二引晉中興書宗室錄科罪作治罪溫視奏歎曰

書鈔六十二引晉中興書宗室

錄作明日溫見奏事歎曰

此兒乃敢彈我真可畏也恬忠正有幹局

在朝憚之遷右衛將軍司雍秦梁四州大中正拜尚書

轉侍中領左衛將軍補吳國內史又領太子詹事

勞格校勘

記曰孝武紀太元十一年四月譙王恬爲尚書右僕射本傳失書

恬既宗室勳望有才

用孝武帝時深杖之以爲都督兖青冀幽并揚州之晉

陵徐州之南北郡軍事

太平廣記二百七十六異苑曰京口新城有鄧艾廟毀已久晉

譙王司馬恬爲都督夢一人自稱鄧公求治舍宇恬乃令與修造之領鎮北將軍充青二

州刺史假節太元十五年薨追贈車騎將軍四子尙之
恢之允之休之尙之立

忠王尙之字伯道初拜祕書郎遷散騎侍郎恬鎮京口
尙之爲振威將軍廣陵相父憂去職服闋爲驃騎諮議
參軍宗室之內世有人物王國寶之誅也散騎常侍劉
鎮之彭城內史劉涓子徐州別駕徐放竝以同黨被收
將加大辟尙之言於會稽王道子曰刑獄不可廣宜釋
鎮之等道子以尙之昆季竝居列職每事仗焉乃從之

兖州刺史王恭忌其盛也與豫州刺史庾楷竝稱兵以討尙之爲名南連荊州刺史殷仲堪南郡公桓玄等道子命前將軍王珣右將軍謝珍討恭尙之距楷允之與楷子鴻戰於當利鴻敗走斬楷將段方楷單馬奔于桓玄魏書司馬叙傳作與庾楷子鴻戰于牛渚斬鴻前鋒橫江尙之等退恢之所領外軍皆沒案段方殷万字形相近致譌又由萬改萬也讀史方輿紀要二十九日當利浦在和州東南十二里後漢興平初劉繇遣其將張英屯當利口以拒吳景明年孫策擊走之實字記當利本名揚浦晉王濬平吳揚帆順流而下王渾招之不至報云風利不得泊也因改名當利按後漢已有當利之名則非道子以尙之爲建威將軍豫州刺史假節一依晉改矣楷故事尋進號前將軍允之爲吳國內史恢之驃騎司

馬丹楊尹休之襄城太守各擁兵馬勢傾朝廷後將軍
元顯執政亦倚以爲援元顯寵倖張法順每宴會坐起
無別尙之入朝正色謂元顯曰張法順驅走小人有何
才異而暴被拔擢當今聖世不宜如此元顯默然尙之
又曰宗室雖多匡諫者少王者尙納芻蕘之言況下官
與使君骨肉不遠蒙眷累世何可坐視得失而不盡言
因此法順令下舉坐失色尙之言笑自若元顯深銜之
後符下西府令出勇力二千人尙之不與曰西藩濱接
荒餘寇虜無常兵止數千不足戍衛無復可分微者元
顯尤怒會欲伐桓玄故無他及元顯稱詔西伐命尙之

爲前鋒

勞格校勘記日本紀云劉牢之爲前鋒尙之爲後部傳誤

尙之子文仲爲寧

遠將軍宣城內史桓立至姑熟遣馮該等攻歷陽斷洞

浦焚尙之舟艦尙之率步卒九千陣於浦上先遣武都

太守楊秋屯橫江秋奔于立軍尙之眾潰逃于涂中

御覽

九百六十三續晉安帝紀曰豫州刺史司馬尙之爲桓

元將馮該所攻倉儲稍竭外白戰士多飢悉未付食是

時蘆荀時也尙之指荀曰且噉此足解三日將士離心

遂敗讀史方輿紀要二十九日洞浦在和州西南臨江

亦曰

洞十餘日譙國人韓連丁元等以告立立害之於建

康市立上疏以閔王不宜絕嗣乃更封尙之從弟康之

爲譙縣王安帝反正追贈尙之衛將軍以休之長子文

思爲尙之嗣襲封譙郡王文思性凶暴每違軌度多殺

弗辜好田獵燒人墳墓數爲有司所糾遂與羣小謀逆
劉裕聞之誅其黨與送文思付父休之令自訓厲後與
休之同怨望稱兵爲裕所敗而死國除
勞格校勘記曰
據北史休之傳
文思從休之奔姚興後奔魏位
懷荒鎮將譙王此云敗死微誤

恢之字季明厯官驃騎司馬丹楊尹尙之爲桓立所害
徙恢之等於廣州而於道中害之安帝反正追贈撫軍
將軍

休之字季預少仕清塗以平王恭庾楷功拜龍驤將軍
襄城太守鎮厯陽桓立攻厯陽休之嬰城固守及尙之
戰敗休之以五百人出城力戰不捷乃還城攜子姪奔

于慕容超聞義軍起復還京師類聚十九續安帝紀日司馬休之兄尙彌之爲

桓元所敗休之奔淮西頗得彼之人心從者爲之歌日可憐司馬公作性甚溫良憶昔水邊戲使我不能忘御

覽八百九十五續安帝紀日司馬休之奔廣固慕容超有欲害心而休之不知休之常所乘驢馬於牀前養飼

忽連鳴不食注目視鞍休之試被之即不動也訖還牀坐馬又驚跳因試騎視馬即驟出裁至門外奔而馳之

走行數里休之顧望所住已有收者至乘南奔殆而獲免後還荊州加驛馬揚武之號周家祿校勘記日案載

記宜作慕容德大將軍武陵王令日前龍驤將軍休之才幹貞慕容德

審功業既成厯陽之戰事在機捷及至勢乖力屈奉身

出奔猶鳩集義徒崎嶇險阻既應親賢之舉宜委分陝

之重可監荆益梁寧秦雍六州軍事領護南蠻校尉荆

州刺史

文選齊竟陵文宣王行狀注臧榮緒晉書日武陵王令日荊州勢據上流將軍休之委以分陝

之假節到鎮無幾桓振復襲江陵休之戰敗出奔襄陽
太平廣記四百三十五諸宮故事日司馬休之爲荊州
宋公遣使圍之休之未覺常所乘馬養于牀前忽連鳴
不食注目視鞍休之試鞣之卽不動鞣訖還坐馬又驚
跳如此者數四騎馬卽驟出門奔馳數里休之願望已
有使至矣遂去而獲免案此條所引諸宮故事與御覽
所引續安帝紀大致相同一以爲在廣固事一以爲在
荊州事必有一誤姑兩宜朔將軍張暢之高平相劉懷
存之以其非出一書也晉書校文三日高平相桓玄傳作高
肅自沔攻振走之平太守宋書懷肅傳同至張暢之時
爲江夏相亦見懷肅及玄傳不云宜朔休之還鎮御史
將軍勞格校勘記日走之當作斬之
中丞王楨之奏休之失戍免官朝廷以豫州刺史魏詠
之代之徵休之還京師拜後將軍會稽內史御史中丞
阮歆之奏休之與尙書虞嘯父犯禁嬉戲降號征虜將

軍尋復爲後將軍及盧循作逆加督浙江東五郡軍事
坐公事免劉毅誅復以休之都督荆雍梁秦益六州
軍事平西將軍荊州刺史假節以子文思爲亂上疏謝
日文思不能聿修自貽罪戾憂懼震惶愧交集臣御
家無方威訓不振致使子姪愆法仰負聖朝悚赧兼懷
胡顏自處請解所任歸罪闕庭宋書武帝紀中曰裕遣
送文思臣順其此旨表
送章不許後以文思事怨望遂結雍州刺史魯宗之御覽
一百二十八徐爰宋書曰荊州刺史司馬休之潛結雍
州刺史魯宗之宗之得書響應南史魯爽傳爽祖宗之
字彥仁義熙元年起將共誅執政時休之次子文寶及
義以功爲雍州刺史兄子文祖竝在都收付廷尉賜死劉裕親自征之宋書
武帝

紀中日義熙十一年收休之子文寶兄子文祖密使遺
於獄賜死率眾軍西討休之上表自陳云云
休之治中韓延之書曰文思事意遠近所知去秋遣康
之送還司馬君者推至公之極也而了無愧心久絕表
疏此是天地所不容吾受命西征止其父子而已彼士
僑舊爲之驅逼一無所問往年郗僧施謝劭任集之等
交構積歲專爲劉毅規謀所以至此今卿諸人一時逼
迫本無纖釁吾虛懷期物自有由來今在近路是諸賢
濟身之日若大軍相臨交鋒接刃蘭艾雜揉元作揉或恐
不分故白此意并可示同懷諸人延之報曰聞親率戎
馬遠履西畿闔境士庶莫不恒駭何者莫知師出之名

故也辱來疏始委以譙王前事良增歎息司馬平西體
國忠貞款懷待物以君有匡復之勳家國蒙賴推德委
誠每事詢仰譙王往以微事見劾猶自遜位況以大過
而當默然也但康之前言有所不盡故重使胡道申白
所懷道未及反已表奏廢之所不盡者命耳推寄相與
正當如此有何不可便及兵戈自義旗以來方伯誰敢
不先相諮疇而徑表天子可謂欲加之罪其無辭乎劉
裕足下海內之人誰不見足下此心而復欲誑國士天
地所不容在彼不在此矣來言虛懷期物自有由來今
伐人之君陷人以利真可謂虛懷期物自有由來矣劉

藩死於間闔之門諸葛樊於左右之手甘言詫語方伯
襲之以輕兵遂使席上靡款懷之士閭外無自信諸侯
以是爲得算良可恥也吾誠鄙劣嘗聞道於君子以平
西之至德寧可無授命之臣乎假令天長喪亂九流渾
濁當與臧洪游於地下耳裕得書歎息以示諸佐曰事
人當應如此宗之聞裕向荊州自襄陽就休之共屯江
陵使文思及宗之子軌以兵距裕戰于江津休之大敗
遂與宗之俱奔于姚興南史魯爽傳爽父軌一名象齒
便弓馬膂力絕人爲竟陵太守
隨父入姚氏案魏書江津作江陵以上文襄陽証之當
以江陵爲是御覽一百二十八徐爰宋書曰休之不敢
戰乃棄城裕平姚泓休之將奔于魏未至道死魏書司
馬休之
走奔羌

傳曰裕滅姚泓休之與文思及河間王子道賜輔國將軍溫楷竟陵內史魯軌荊州治中韓延子殷約平西將軍桓謚桓璉及桓溫孫道度子勃海子雍陳郡袁式等數百人皆將妻子詣嵩降月餘休之卒于嵩軍允之字季度出後叔父愔襲爵廣晉伯歷位輔國將軍吳國宣城譙梁內史王恭庾楷桓立等內伐也會稽王道子命允之兄弟距楷破之元興初與兄恢之同徙廣州於道被害義軍起追贈太常卿從弟康之以子文惠襲爵宋受禪國除

韓延之字顯宗南陽赭陽人魏司徒暨之後也

元和姓纂四日

暨六代少以分義稱安帝時爲建威將軍荊州治中轉平西府錄事參軍以劉裕父名翹字顯宗延之遂字顯

宗名兒爲翹以示不臣劉氏與休之俱奔姚興劉裕入關又奔于魏

愔字敬王初封廣晉伯早卒無子兄恬以子允之嗣

高陽王睦

高陽王睦字子友譙王遜之弟也魏安平亭侯歷侍御

史武帝受禪封中山王邑五千二百戶睦自表乞依六

蓼祀臯陶邵祀祀相立廟

通典五十一日按睦譙王之弟兄俱封今求各立廟

事下太常依禮典平議博士祭酒劉熹等議

通典五十一作喜案

通典所引尚有荀顗禮記王制諸侯五廟二昭二穆與虞喜徐禪諸人之議

太祖而五是則立始祖之廟謂嫡統承重一人得立耳

假令支弟竝爲諸侯始封之君不得立廟也今睦非爲
正統若立祖廟中山不得竝也後世中山乃得爲睦立
廟爲後世子孫之始祖耳詔曰禮文不明此制度大事
宜令詳審可下禮官博議乃處當之通典五十一日司徒荀顗議以爲宜
各得立廟時詔從顗議又詔曰禮諸侯二昭二穆與太
祖之廟而五大祖卽始封君也其廟不毀前詔以譙王
中山王父非諸侯尊同禮不相厭故欲令各得祭以申
私恩也然考之典制事不經通若安平王諸子並封皆
得立廟祭禰親盡數終其廟當毀無故下食支庶之咸
國猥更隨昭穆而廢非尊祖敬宗之義也其如前奏
宣三年睦遣使募徙國內八縣受逋逃私占及變易姓
名詐冒復除者七百餘戶冀州刺史杜友奏睦招誘逋
亡不宜君國有司奏事在赦前應原詔曰中山王所行

何乃至此覽奏甚用撫然廣樹親戚將以上輔王室下
惠百姓也豈徒榮崇其身而使民踰典憲乎此事當大
論得失正臧否所在耳苟不宜君國何論於赦令之間
耶其貶睦爲縣侯乃封丹水縣侯及吳平太康初詔復
爵有司奏封江陽王帝曰睦退靜思愆改修其德今有
爵土不但以赦江陽險遠其以高陽郡封之乃封爲高
陽王元康元年爲宗正薨於位世子蔚早卒孫毅立拜
散騎侍郎永嘉中沒于石勒隆安元年詔以譙敬王恬
次子恢之子文深繼毅後立五年薨無嗣復以高密王
純之子法蓮繼之宋受禪國除

任城景王陵

弟順 斌 周家祿校勘記日總目作西河繆王斌傳首同宜補

任城景王陵字子山宣帝弟魏司隸從事安城亭侯通

之子也初拜議郎泰始元年封北海王邑四千七百戶

三年轉封任城王之國

廿二史攷異二十一日按武帝紀咸寧三年八月徙北海王陵

為任城王傳云泰始三年轉封未審誰是

咸寧五年薨武帝紀在太子濟立

石勒載記上

拜散騎侍郎給事中散騎常侍輔國將軍

隨東海王越在項為石勒所害二子俱沒有二弟順斌

順字子思初封習陽亭侯

勞格校勘記日國志杜恕傳注作龍陽亭侯

及武

帝受禪順歎日事乖唐虞而假為禪名遂悲泣由是廢

黜徙武威姑臧縣雖受罪流放守意不移而卒

西河繆王斌字子政魏中郎武帝受禪封陳王邑千七

百一十戶三年改封西河咸寧四年薨

水經原公水注日魏黃初二年

分太原復置西河郡晉徙封陳王斌于西河故縣有西河繆王司馬子政廟碑文云西河舊處山林漢末擾攘百姓失所魏興更開疆宇分割太原四縣以爲邦邑其郡帶山側塞矣王以咸寧三年改命爵士明年十二月喪國臣太農閭崇離石令宗羣等二百三十四人刊石立碑以述勳德碑北廟基尙存也廿二史攷異二十一日西河之封據帝紀與任城同時此傳下有咸寧四年之文則以爲泰始三年矣晉書校文三日攷帝紀及水經注所載繆王子政碑改封西河皆繫於咸寧三年則此傳咸寧字應在三年上否則將誤認爲泰始三年矣

子隱立薨子香立

石勒載記上作西河王喜

史臣曰泰始之初天下少事革魏餘弊遵周舊典竝建宗室以爲藩翰諸父同虞虢之尊兄弟受魯衛之祉以

爲麻紀長久本支百世安平風度宏邈器宇高雅內弘
道義外闡忠貞泊高貴薨殂則枕尸流慟陳留就國則
拜辭隕涕語日疾風彰勁草獻王其有焉故能位班上
列享年眉壽清徽至範爲晉宗英子孫遵業世篤其慶

書鈔七十王隱晉書安平王傳日一門三世
同時十五封王位極人臣子孫咸居官也

高密風監

清遠簡素寡欲孝以承親忠以奉上方諸枝庶實謂國
慎新蔡南陽俱莅方嶽值王室多難中原蕪梗表義甄
節效績艱危于時醜類實繁凶威日逞勢懸眾寡相繼
淪亡悲夫譙閔沈雄壯勇作鎮南服屬姦回肆亂稱兵
內侮懷忠憤發建義湘州荆沔響應羣才致力雖元勳

不立而誠節克彰垂裕後昆奕世貞烈豈不休哉勳託
末屬稟性凶暴仍荷朝寄推轂梁岷遂棄親背主負恩
放命憑庸蜀之饒苞藏不逞恃江山之固姦謀日深是
以搢紳切齒攄積憤之志義士思奮厲忘身之節天道
禍淫應時蕩定昔汲黯猶在淮南寢謀周撫若存凶渠
未發以邪忌正異代同規詩云自貽伊戚其勳之謂矣
習陽憑慶枝葉守約懷逸棲情塵外希蹤物表顧匹夫
之獨善貴達節之弘規言出身播猶爲幸也

贊曰安平立節雅性貞亮高密含和宗室之望新蔡遇
禍忠全元喪譙門徇義力屈志揚勳自貽戚名隕身亡

順不恤忌流播遐方

音書斟注卷三十七